

Da bi studenti Visoke škole „CEPS – Centar za poslovne studije“ Kiseljak bili pobliže upoznati sa svojim pravima i obavezama, u nastavku Vam dostavljamo izvadak iz Statuta Visoke škole „CEPS – Centar za poslovne studije“ Kiseljak o pravima i obavezama studenata na Visokoj školi.

Članak 90.

(Prava studenta)

Studenti stupaju u ugovorni odnos sa CEPS-om.

Studenti imaju pravo:

- a) nazočiti svim oblicima organizirane nastave iz upisanog studijskog programa;
- b) korištenje knjižnice, računalne opreme i drugih resursa CEPS-a;
- c) kvalitetan obrazovni proces, konzultacije i mentorski rad;
- d) izjašnjavanje o kvaliteti nastave i rada akademskog osoblja, te kvaliteti drugih usluga CEPS-a;
- e) prigovor u slučaju povrede studentskih prava utvrđenih Zakonom, ovim Statutom ili drugim općim aktima CEPS-a;
- f) blagovremeno i točno informiranje o svim pitanjima koja se odnose na studiju;
- g) samoorganiziranje i izražavanje vlastitog mišljenja;
- h) sudjelovanje na izborima za studentska mjesta u studentskom predstavničkom tijelu i drugim organima ustanovljenim ovim Statutom;
- i) ravnopravnost u pogledu uvjeta studija, kao i na povlastice koje nosi status studenta;
- j) različitost i zaštitu od diskriminacije prema bilo kojem osnovu, kao što je spol, rasa, bračni status, boja kože, izgled, vjera, jezik, političko ili drugo mišljenje, nacionalno, etničko ili socijalno porijeklo ili bilo koji drugi status;
- k) slobodu da, u skladu sa zakonom, ispituju i testiraju primljena znanja i nude nove ideje, a da se time ne izlažu opasnosti od gubitka svog statusa ili bilo koje druge privilegije koje na CEPS-u uživaju;
- l) slobodu govora, organiziranja i okupljanja, u skladu sa zakonom;
- m) pravične i nepristrasne mehanizme rješavanja disciplinskih pitanja koja se tiču studenata;
- n) priznavanje i prenos bodova između visokoškolskih ustanova;

- o) završetak studija u kraćem roku, i
- p) druga prava utvrđena Statutom i drugim općim aktima CEPS-a.

CEPS će osigurati adekvatne uvjete za jednak pristup studiju i studiranje licima s posebnim potrebama.

Studenti imaju pravo na nagrade.

Način ostvarivanja prava studenata bliže se uređuje Pravilima studija.

Članak 91.

(Pravo studenta na završetak započetog studija)

Student ima pravo završiti započeti studij po studijskom programu, odnosno nastavnom planu i programima koji su bili u primjeni prilikom upisa u prvu godinu studija, a najkasnije do početka akademske godine u kojoj ga susiže generacija studenata upisana po izmijenjenom nastavnom planu i programima.

Student koji ne završi započeti studij u roku utvrđenom u prethodnom stavu, završit će studij po izmijenjenom studijskom programu, odnosno nastavnom planu i programima.

Članak 92.

(Obaveze studenta)

Studenti imaju slijedeće obaveze:

- a) pridržavati se pravila utvrđenih zakonom, Statutom i drugim općim aktima CEPS-a;
- b) ispunjavati nastavne i druge obaveze studenata;
- c) iskazivati dužno poštovanje prema pravima osoblja i drugih studenata na CEPS-u;
- d) sudjelovati u akademskim aktivnostima;
- e) sudjelovati u donošenju odluka, u skladu sa Zakonom i Statutom.

Također, Statutom, ali i ostalim aktima definisana su prava studenata prilikom polaganja ispita, te žalbene procedure u slučaju istih, te Vam ih prenosimo u nastavku (izvadak iz Statuta Visoke škole „CEPS – Centar za poslovne studije“ Kiseljak, te je isti objavljen u Pravilniku o načinu polaganja ispita, ocjenjivanju studenata i pravo prigovora na ocjenu na Visokoj školi „CEPS – Centar za poslovne studije“ Kiseljak)

Članak 81.

(Žalbena procedura)

Student polaže ispit pred predmetnim nastavnikom i to najviše tri puta.

Četvrti izlazak na ispit obavlja se pred Komisijom.

Student koji nije zadovoljan postignutom ocjenom može u roku od 24 sata nakon priopćenja ocjene pismeno tražiti da se ispit ponovi pred Komisijom. Zahtjev za ponavljanje ispita mora biti obrazložen.

Predsjednika i dva člana komisije imenuje ravnatelj CEPS-a u roku od 24 sata od primitka zahtjeva, ako ocijeni da je zahtjev opravdan, s tim da jedan član komisije mora biti iz drugog nastavnog predmeta, a ispitivač s čijom ocjenom student nije zadovoljan ne može biti predsjednik komisije.

Ravnatelj određuje vrijeme polaganja ispita u roku od tri dana od podnošenja zahtjeva studenta.

Pismeni ispit ili pismeni dio ispita neće se ponoviti pred Komisijom, već će ga Komisija ponovo ocijeniti. Komisija će ocijeniti i sve radove koje je student radio u tijeku nastave i vježbi. Komisija može donijeti ocjenu na bazi samo pismenog ispita i rada u tijeku nastave i vježbe ili obaviti i usmeni dio ispita. Komisija donosi odluku većinom glasova.

Student može tražiti Komisijski ispit iz najviše dva predmeta u tijeku jednog semestra.

Za Komisijsku provjeru znanja student je dužan platiti određen iznos naknade prema odluci Upravnog vijeća.

Ravnatelj:

Pred. VŠ Mirzo Selimić, MA